

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i članova 52. stav (4) i 60. stav (2) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24, 6/25 i 12/25), na prijedlog Ministarstva zdravstva, Vlada Zeničko-dobojskog kantona, na 125. sjednici, održanoj 17.04.2026. godine, d o n o s i

O D L U K U

o usvajanju Izvještaja o utrošku sredstava po Programu utroška sredstava „Tekući transfer za JU Kantonalna bolnica Zenica za edukaciju doktora medicine na specijalizaciji i doktora sekundaraca u 2025. godini“-Izvor 10

Član 1.

(Predmet)

Usvaja se Izvještaj o utrošku sredstava po Programu utroška sredstava „Tekući transfer za JU Kantonalna bolnica Zenica za edukaciju doktora medicine na specijalizaciji i doktora sekundaraca u 2025. godini“- Izvor 10 („Službene novine Zeničko-dobojskog kantona“, broj: 6/25), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7948/26

Datum, 17.04.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

IZVJEŠTAJ O UTROŠKU SREDSTAVA PO PROGRAMU UTROŠKA SREDSTAVA „TEKUĆI TRANSFER ZA JU KANTONALNA BOLNICA ZENICA ZA EDUKACIJU DOKTORA MEDICINE NA SPECIJALIZACIJI I DOKTORA SEKUNDARACA U 2025. GODINI“-IZVOR 10

I UVOD

U skladu sa članom 39. stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koriste se prema programima utroška koje donosi Vlada Kantona.

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 12/25 i 23/25) na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX018, pozicija „Tekući transfer za JU JU Kantonalna bolnica Zenica za edukaciju doktora medicine i stomatologije na specijalizaciji i doktora sekundaraca“ planirana su sredstva u iznosu 5.000.000,00 KM.

Vlada Zeničko-dobojskog kantona Odlukom broj: 02-11-6304/25 od 28.03.2025. godine usvojila je Program utroška sredstava „Tekući transfer za JU Kantonalna bolnica Zenica za edukaciju doktora medicine na specijalizaciji i doktora sekundaraca u 2025. godini“-Izvor 10 („Sl. novine Zeničko-dobojskog kantona“, broj: 6/25) u ukupnom iznosu od 5.000.000,00 KM.

Članom 52. stav (4) Zakona o izvršavanju Budžeta Zeničko-dobojskog kantona za 2025. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

U skladu sa Programom o utrošku sredstava „Tekući transfer za JU Kantonalna bolnica Zenica za edukaciju doktora medicine na specijalizaciji i doktora sekundaraca u 2025. godini“ broj: 02-11-6304/25 od 28.03.2025. godine posebnom odlukom Vlade Kantona o odobravanju sredstava transferisati će se ukupno 3.000.000,00 KM u jednakim mjesečnim ratama, a preostalih 2.000.000,00 KM će se odobriti i transferisati u skladu sa prilivom sredstava u Budžet Zeničko-dobojskog kantona.

Vlada Kantona donijela je Odluku o odobravanju sredstava JU Kantonalna bolnica Zenica za sufinansiranje troškova edukacije doktora medicine na specijalizaciji i doktora sekundaraca u 2025. godini, broj: 02-11-9736/25 od 14.05.2025. godine.

Članom 2. stav (2) navedene Odluke utvrđeno je da će se odobrena sredstva transferisati, na osnovu Odluke i to:

a) iznos od 1.000.000,00 KM (slovima: milion konvertibilnih maraka) za obračunate bruto plaće za period januar - april 2025. godine po donošenju Odluke i

b) iznos od po 250.000,00 KM (slovima: dvijestotinepedesethiljada konveribilnih maraka) za bruto plaće za period maj - decembar 2025. godine do 30. u tekućem mjesecu za obračunatu bruto plaću za tekući mjesec.

U skladu sa Programom o utrošku sredstava i prilivom sredstava u Budžet Zeničko-dobojskog kantona, Vlada Kantona donijela je Odluku o ponovnom odobravanju sredstava JU Kantonalna bolnica Zenica za sufinansiranje troškova edukacije doktora medicine na specijalizaciji i doktora sekundarac u 2025. godini, broj: 02-11-18798/25 od 17.10.2025. godine u iznosu 2.000.000,00 KM za isplaćene bruto plaće za period januar-decembar 2025. godine.

Članom 2. stav (2) navedene Odluke utvrđeno je da će se odobrena sredstva transferisati, na osnovu Odluke i to:

- a) iznos od 1.000.000,00 KM po donošenju Odluke,
- b) iznos od 1.000.000,00 KM 30 dana po donošenju Odluke.

U sljedećem tabelarnom pregledu dati su podaci o proknjiženim nalogima po osnovu navedenog tekućeg transfera sa datumima transferisanja sredstava JU Kantonalna bolnica Zenica:

Red.br.	Nalog za knjiženje (KM)	plaća za mjesec	Iznos transferisanja sredstava (KM)	Datum transferisanja sredstava
1.	1.00.000,00	01-04/2025	1.000.000,00	26.05.2025. godine
2.	250.000,00	05/25	250.000,00	11.06.2025. godine
3.	250.000,00	06/25	250.000,00	07.07.2025. godine
4.	250.000,00	07/25	250.000,00	08.08.2025. godine
5.	250.000,00	08/25	250.000,00	03.09.2025. godine
6.	250.000,00	09/25	250.000,00	16.10.2025. godine
7.	250.000,00	10/25	250.000,00	03.11.2025. godine
8.	1.000.000,00	jan-dec 2025	1.000.000,00	03.11.2025. godine
9.	250.000,00	11/25	250.000,00	19.12.2025. godine
10.	250.000,00	12/25	250.000,00	19.12.2025. godine
11.	1.000.000,00	jan-dec 2025	1.000.000,00	19.12.2025. godine
UKUPNO			5.000.000,00	

Po navedenom tekućem transferu na dan 31.12.2025. godine nema neizmirenih obaveza prema JU Kantonalna bolnica Zenica.

Članom 4. stav (1) Odluke o odobravanju sredstava broj: 02-11-9736/25 od 14.05.2025. godine propisano je da je JU Kantonalna bolnica Zenica dužna izvijestiti Ministarstvo zdravstva o namjenskom utrošku sredstava dostavljanjem privremenih mjesečnih izvještaja i to:

- a) za plaće za period januar - april 2025. godine do 30.04.2025. godine,
- b) za plaće za period maj - decembar 2025. godine do 30. u tekućem mjesecu za prethodni mjesec.

Privremeni mjesečni izvještaji u skladu sa članom 4. stav (2) Odluke o odobravanju sredstava dostavljaju se u tabelarnom obliku za svaku mjesečnu isplatu i treba da sadrže: redni broj, šifru specijalizanta /sekundarca, naziv specijalizacije, iznos bruto plaće za svakog pojedinačnog specijalizanta/sekundarca i ukupan iznos bruto plaća za jedan mjesec.

JU Kantonalna bolnica Zenica dostavljala je, u skladu sa Odlukom o odobravanju sredstava JU Kantonalna bolnica Zenica za sufinansiranje troškova edukacije doktora medicine na specijalizaciji i doktora sekundaraca u 2025. godini, broj: 02-11-9736/25 od 14.05.2025. godine, Ministarstvu zdravstva privremene mjesečne izvještaje o namjenskom utrošku sredstava.

JU Kantonalna bolnica Zenica je redovno Ministarstvu zdravstva dostavljala privremene mjesečne izvještaje o namjenskom utrošku sredstava i to: dopisom broj: 01-11-3990/25 od 17.06.2025. godine za period januar-april 2025. godine, dopisom broj: 01-11-4200/25 od 27.06.2025. godine za maj, dopisom broj: 01-11-5351/25 od 08.08.2025. godine za juni, dopisom broj: 01-11-5751/25 od 22.08.2025. godine za juli, dopisom broj: 01-11-6510/25 od 19.09.2025. godine za avgust, dopisom broj: 01-11-7264/25 od 20.10.2025. godine za septembar, dopisom broj: 01-11-8472/25 od 21.11.2025. godine za oktobar, dopisom broj: 01-11-9370/25 od 22.12.2025. godine za novembar i dopisom broj: 01-11-756/26 od 27.01.2026. godine za decembar.

Konačan Izvještaj o utrošku sredstava po osnovu Odluka o odobravanju sredstava broj: 02-11-9736/25 od 14.05.2025. godine i 02-11-18798/25 od 17.10.2025. godine JU Kantonalna bolnica je dostavila dopisom broj: 01-11-909/26 od 30.01.2026. godine koji čini sastavni dio ovog Izvještaju o utrošku sredstava.

Broj specijalizanata je promjenljiva kategorija u toku godine uzimajući u obzir vrijeme početka i okončanja pojedinačnih specijalizacija, kao i odobravanje istih u toku 2025. godine.

JU Kantonalna bolnica Zenica je na ime troškova plaća i ostalih primanja koja nemaju karakter plaće (topli obrok, regres, naknada za prevoz) doktorima na specijalizaciji i doktora sekundaraca u 2025. godini isplatila iznos od 5.204.244,96 KM na godišnjem nivou. Od tog iznosa na bruto plaće doktora na specijalizaciji odnosi se iznos od 4.347.590,54,00 KM.

Uzimajući u obzir prethodno navedeno, ovim izvještajem je obuhvaćeno finansiranje samo bruto plaća specijalizanata i doktora sekundaraca u ukupnom godišnjem iznosu od 5.000.000,00 KM, a ostali troškovi su finansirani iz vlastitih sredstava JU Kantonalna bolnica Zenica.

Prema konačnom izvještaju JU Kantonalna bolnica Zenica sredstvima Vlade Kantona finansirana je plaća za ukupno 76 specijalizanata uz napomenu da je za neke obuhvaćeno svih 12 mjesečnih isplata, a za neke manji broj mjeseci u zavisnosti početka/kraja specijalizacije, što je vidljivo iz tabelarnog pregleda koji je dostavljen Ministarstvu zdravstva.

U sljedećem tabelarnom pregledu dati su podaci o ukupnim bruto plaćama koje su finansirane sredstvima iz Budžeta Zeničko-dobojskog kantona i to:

Red. broj	Grana specijalizacije	Broj specijalizanata	Iznos za 2025. godinu (KM)
1	Anesteziologija, rean. i inten. medicina	7	348.503,67
2	Dječija hirurgija	1	98.007,29
3	Ginekologija i opstetricija	5	402.646,54
4	Hematologija	1	61.313,41
5	Infektologija	6	367.784,45
6	Internistička onkologija	3	133.369,40
7	Klinička radiologija	2	75.685,58
8	Medicinska biohemija	3	157.239,69
9	Maksilofacijalna hirurgija	1	60.945,92
10	Nefrologija	1	48.642,53

11	Neurologija	3	154.314,84
12	Neurohirurgija	1	99.713,91
13	Nuklearna medicina	1	28.863,67
14	Oftamologija i optometrija	1	66.810,73
15	Oftamologija	3	152.519,19
16	Onkologija i radioterapije	2	112.848,18
17	Opća hirurgija	1	19.585,94
18	Ortopedija	5	354.738,88
19	Otorinolaringologija i hirurgija glave i vrata	1	9.757,99
20	Pedijatrija	4	191.189,62
21	Plastična rekonstruktivna i estetska hirurgija	2	78.350,31
22	Psihijatrija	3	157.372,62
23	Pulmologija	1	7.673,68
24	Torakalna hirurgija	1	60.515,09
25	Urgentna medicina	2	207.590,38
26	Transfuzijska medicina	1	5.339,56
27	Urologija	1	95.875,17
27	Klinička imunologija	1	53.952,64
28	Opća interna medicina	11	645.016,08
29	Izortopedija	1	91.423,59
Ukupno doktori medicine na specijalizaciji		76	4.347.590,54
1	Doktor medicine	47	828.689,93
2	Doktor medicine/stomatologije	1	27.964,49
Ukupno doktori sekundarci		48	856.654,42
Sve ukupno		124	5.204.244,96

Vlada Kantona sufinansiranjem troškova edukacije doktora na specijalizaciji i doktora sekundaraca značajno doprinosi obezbjeđenju potrebnog stručnog kadra za rad zdravstvene ustanove i finansijskoj stabilnosti i likvidnosti JU Kantonalna bolnica Zenica, obzirom na činjenicu da finansiranje specijalizacija i doktora sekundaraca nije obuhvaćeno standardima i normativima zdravstvene zaštite u Federaciji Bosne i Hercegovine.

Ukupni rashodi po osnovu „Tekućeg transfera za JU Kantonalna bolnica Zenica“ u periodu januar-decembar 2025. godine iznose 5.000.000,00 KM, što predstavlja 100,0% izvršenja Budžetom planiranih sredstava za ove namjene na godišnjem nivou.

Zenica, mart 2026. godine

MINISTRICA

dr Aida Salčinović